

O‘ZBEKISTON RESPUBLIKASINING QONUNI
“SUV VA SUVDAN FOYDALANISH TO‘G‘RISIDA”GI O‘ZBEKISTON
RESPUBLIKASI QONUNIGA O‘ZGARTISH VA QO‘SHIMCHALAR
KIRITISH HAQIDA

Qonunchilik palatasi tomonidan 2021-yil 10-avgustda qabul qilingan
Senat tomonidan 2021-yil 21-oktabrda ma’qullangan

1-modda. O‘zbekiston Respublikasining 1993-yil 6-mayda qabul qilingan “Suv va suvdan foydalanish to‘g‘risida”gi 837-XII-sonli Qonuniga (O‘zbekiston Respublikasi Oliy Kengashining Axborotnomasi, 1993-yil, № 5, 221-modda; O‘zbekiston Respublikasi Oliy Majlisining Axborotnomasi, 1997-yil, № 4-5, 126-modda; 1998-yil, № 9, 181-modda; 2000-yil, № 7-8, 217-modda; 2001-yil, № 1-2, 23-modda; 2004-yil, № 1-2, 18-modda; O‘zbekiston Respublikasi Oliy Majlisi palatalarining Axborotnomasi, 2007-yil, № 12, 604-modda; 2009-yil, № 12, 472-modda; 2011-yil, № 1, 1-modda, № 9, 247-modda; 2013-yil, № 4, 98-modda; 2014-yil, № 9, 244-modda; 2016-yil, № 12, 383-modda; 2017-yil, № 9, 510-modda; 2018-yil, № 4, 224-modda, № 7, 431-modda; 2019-yil, № 5, 261-modda, № 11, 791-modda; 2020-yil, № 9, 539-modda; 2021-yil, 4-songa ilova) quyidagi o‘zgartish va qo‘shimchalar kiritilsin:

1) 2¹-modda:

sakkizinchi xatboshidagi “suv obyektidan” degan so‘zlar “suv obyektidan yoki suv xo‘jaligi obyektidan” degan so‘zlar bilan almashtirilsin;

quyidagi mazmundagi o‘n beshinchi xatboshi bilan to‘ldirilsin:

“suv xo‘jaligining foydalanuvchi tashkilotlari — suv xo‘jaligi obyektlaridan foydalanuvchi suv xo‘jaligining foydalanuvchi tashkilotlari (tumanlarning irrigatsiya bo‘limlari, irrigatsiya tizimi boshqarmalari, magistral kanallar (tizimlar) boshqarmalari, nasos stansiyalari va energetika boshqarmalari, meliorativ ekspeditsiyalar, suv omborlaridan va yirik gidrotexnika inshootlaridan foydalanish boshqarmalari, Qoraqalpog‘iston Respublikasi Suv xo‘jaligi vazirligi, O‘zbekiston Respublikasi Suv xo‘jaligi vazirligi huzuridagi irrigatsiya tizimlari havza boshqarmalari)”;

o‘n beshinchi — o‘n to‘qqizinchi xatboshilari tegishincha o‘n oltinchi — yigirmanchi xatboshilar deb hisoblansin;

quyidagi mazmundagi o‘n to‘qqizinchi xatboshi bilan to‘ldirilsin:

“suv yetkazib berganlik va boshqa suv xo‘jaligi xizmatlari uchun haq to‘lash — suv ta‘minoti tashkilotlari (suv xo‘jaligining foydalanuvchi tashkilotlari, suv iste‘molchilari uyushmalari va boshqalar) tomonidan

ko'rsatiladigan suv yetkazib berish bo'yicha xizmatlar va boshqa suv xo'jaligi xizmatlari (suv xo'jaligi obyektlarini ta'mirlash, suvni tejaydigan sug'orish texnologiyalarini joriy etish, suvni boshqarish va hisobga olish vositalaridan foydalanishda ko'maklashish) uchun shartnoma asosida to'lovlarni amalga oshirish”;

o'n to'qqizinchi va yigirmanchi xatboshilari tegishincha yigirmanchi va yigirma birinchi xatboshilar deb hisoblansin;

2) **6-modda:**

sakkizinchi xatboshisi quyidagi tahrirda bayon etilsin:

“suv xo'jaligi sohasida davlatlararo munosabatlarni rivojlantirish”;

quyidagi mazmundagi to'qqizinchi va o'ninchi xatboshilar bilan to'ldirilsin:

“suv xo'jaligini rivojlantirish, suvdan oqilona foydalanish, suvdan samarali foydalanish, suv tanqisligining salbiy ta'sirini yumshatishga qaratilgan chora-tadbirlarni amalga oshirish, suv va suvdan foydalanishga doir boshqa dasturlarni tasdiqlash;

suvni tejaydigan texnologiyalarni joriy etishni davlat tomonidan qo'llab-quvvatlash tartibini tasdiqlash”;

to'qqizinchi xatboshisi o'n birinchi xatboshi deb hisoblansin;

3) **7-modda:**

quyidagi mazmundagi beshinchi va oltinchi xatboshilar bilan to'ldirilsin:

“suvni tejaydigan texnologiyalarni joriy etish bo'yicha aniq yo'naltirilgan ro'yxatlarni shakllantirish va tasdiqlashda, shuningdek ularning amalga oshirilishini nazorat qilishda ko'maklashish;

suv iste'molchilari uyushmalarining huquqlari va qonuniy manfaatlariga rioya etilishini ta'minlash, sug'orish va kollektor-drenaj tarmoqlarini ta'mirlash hamda tiklash, tomorqa yerlariga suv yetkazib berish tadbirlarini amalga oshirishda ko'maklashish”;

beshinchi va oltinchi xatboshilari tegishincha yettinchi va sakkizinchi xatboshilar deb hisoblansin;

4) 8-moddaning **ikkinchi qismidagi** “Qishloq va suv xo'jaligi vazirligi” degan so'zlar “Suv xo'jaligi vazirligi” degan so'zlar bilan almashtirilsin;

5) 9-moddaning **ikkinchi qismi** quyidagi tahrirda bayon etilsin:

“Suvdan foydalanish va uni muhofaza qilish ustidan davlat nazoratini mahalliy davlat hokimiyati organlari, O‘zbekiston Respublikasi Ekologiya va atrof-muhitni muhofaza qilish davlat qo‘mitasi, O‘zbekiston Respublikasi Davlat geologiya va mineral resurslar qo‘mitasi, O‘zbekiston Respublikasi Vazirlar Mahkamasi huzuridagi Agrosanoat majmui ustidan nazorat qilish inspeksiyasi, O‘zbekiston Respublikasi Sog‘liqni saqlash vazirligi, O‘zbekiston Respublikasi Suv xo‘jaligi vazirligi, O‘zbekiston Respublikasi Uy-joy kommunal xizmat ko‘rsatish vazirligi huzuridagi Ichimlik suvidan foydalanishni nazorat qilish inspeksiyasi qonunchilikda belgilangan tartibda amalga oshiradi”;

6) 11-modda **birinchi qismining** o‘zbekcha matnidagi “oqindi” degan so‘z “oqova” degan so‘z bilan almashtirilsin;

7) **16-moddaning**:

birinchi qismi quyidagi tahrirda bayon etilsin:

“Suv obyektlaridan o‘tadigan ko‘priklar, o‘tish yo‘llarini va boshqa transport kommunikatsiyalarini qurish hamda rekonstruksiya qilish loyihalari suv xo‘jaligi, ekologiya va atrof-muhitni muhofaza qilish, suv xo‘jaligi obyektlarining xavfsizligini nazorat qilish organlari, O‘zbekiston Respublikasi Favqulodda vaziyatlar vazirligi hamda zarur hollarda, energetika, arxitektura va qurilish organlari, O‘zbekiston Respublikasi Transport vazirligi bilan (daryo transporti yuzasidan) kelishib olinishi lozim, shuningdek toshqin suvlarini o‘tkazib yuborishni, suv obyektlaridan foydalanish rejimini, suvlarning ifloslanishiga, bulg‘anishiga va kamayib ketishiga yo‘l qo‘ymaslikni, ularning zararli ta‘sirining oldini olishni ta‘minlovchi tadbirlar o‘tkazilishini nazarda tutishi kerak”;

ikkinchi qismidagi “qishloq va” degan so‘zlar chiqarib tashlansin;

8) **18²-modda**:

to‘rtinchi qismidagi “qishloq va suv xo‘jaligi organlari” degan so‘zlar “suv xo‘jaligining foydalanuvchi tashkilotlari” degan so‘zlar bilan almashtirilsin;

quyidagi mazmundagi beshinchi va oltinchi qismlar bilan to‘ldirilsin:

“Suv iste‘molchilari uyushmalarining faoliyatini moliyalashtirish o‘z a‘zolarining har yillik a‘zolik badallari, shartnoma asosida suv yetkazib berganlik va boshqa suv xo‘jaligi xizmatlari uchun to‘lovlar, shuningdek qonunchilikda taqiqlanmagan boshqa manbalar hisobidan amalga oshiriladi.

Suv iste'molchilari uyushmalari suvdan foydalanish qoidalari buzilgan, suvdan maqsadsiz foydalanilgan taqdirda, shuningdek limitdan ortiqcha suv olingan, a'zolik badallari, suv yetkazib berganlik va boshqa suv xo'jaligi xizmatlari uchun to'lovlar o'z vaqtida to'lanmagan taqdirda, qonunning hamda shartnoma shartlarining aniqlangan buzilishlari bartaraf etilguniga qadar suv iste'molchilariga suv yetkazib berishni to'xtatishga haqli”;

9) 19-moddaning **matni** quyidagi tahrirda bayon etilsin:

“Suv obyektlari yoki ularning qismlari suvdan foydalanish obyektlari bo'lishi va qonunchilikda belgilangan tartibda davlat-xususiy sheriklik prinsiplari hamda boshqa shartlar asosida foydalanishga berilishi mumkin, bundan suv omborlari, sel-suv omborlari, shuningdek yirik va alohida muhim suv xo'jaligi obyektlari mustasno”;

10) 21-moddaning:

to'rtinchi qismidagi “Qishloq va suv xo'jaligi vazirligi” degan so'zlar “Suv xo'jaligi vazirligi” degan so'zlar bilan almashtirilsin;

sakkizinchi qismidagi “qishloq va” degan so'zlar chiqarib tashlansin;

o'ninchi qismining o'zbekcha **matnidagi** “Oqindi” degan so'z “Oqova” degan so'z bilan almashtirilsin;

11) 27-moddaning **ikkinchi** va **uchinchi qismlari** quyidagi tahrirda bayon etilsin:

“Tabiiy suv obyektlarining suvidan maxsus foydalanish yoki ularning suvini maxsus iste'mol qilish uchun ruxsatnoma yer usti suvlari bo'yicha — suv xo'jaligi organlari bilan kelishilgan holda ekologiya va atrof-muhitni muhofaza qilish organlari, yer osti suvlari bo'yicha — geologiya va mineral resurslar organlari tomonidan beriladi.

Sun'iy suv obyektlarining suvidan maxsus foydalanish yoki ularning suvini maxsus iste'mol qilish uchun ruxsatnoma:

Qoraqalpog'iston Respublikasi Suv xo'jaligi vazirligiga, irrigatsiya tizimlari havza boshqarmalariga, magistral kanallar (tizimlar) boshqarmalariga, suv omborlaridan foydalanish boshqarmalariga, transchegaraviy suv obyektlaridan, viloyatlararo ahamiyatga molik suv obyektlaridan, katta va alohida muhim suv xo'jaligi obyektlaridan foydalanuvchi tashkilotlarga, nasos stansiyalari, energetika va aloqa boshqarmalariga, melioratsiya ekspeditsiyalariga, shuningdek boshqa suvdan foydalanuvchilarga va suv

iste'molchilariga — respublika yoki viloyatlararo ahamiyatga molik suv obyektlaridan O'zbekiston Respublikasi Suv xo'jaligi vazirligi tomonidan;

irrigatsiya tizimlari boshqarmalariga, shuningdek boshqa suvdan foydalanuvchilarga va suv iste'molchilariga — viloyat yoki tumanlararo ahamiyatga molik suv obyektlaridan Qoraqalpog'iston Respublikasi Suv xo'jaligi vazirligi, irrigatsiya tizimlari havza boshqarmalari tomonidan;

suv iste'molchilari uyushmalariga, shuningdek boshqa suvdan foydalanuvchilarga va suv iste'molchilariga — tuman ahamiyatiga molik suv obyektlaridan tuman (Quvasoy shahar) irrigatsiya bo'limlari tomonidan;

o'zlari xizmat ko'rsatadigan zonada joylashgan fermer va dehqon xo'jaliklariga, fuqarolarning o'zini o'zi boshqarish organlariga hamda boshqa suv iste'molchilariga — qishloq xo'jaligi ehtiyojlari uchun suv obyektlaridan tuman (Quvasoy shahar) qishloq xo'jaligi bo'limi bilan kelishilgan holda suv iste'molchilari uyushmalari tomonidan beriladi”;

12) 29-moddaning **matnidagi** “qishloq va” degan so'zlar chiqarib tashlansin;

13) 30-moddaning **ikkinchi qismidagi** “qishloq va” degan so'zlar chiqarib tashlansin;

14) **31-moddaning:**

birinchi qismidagi “vaqtincha foydalanish” degan so'zlar “vaqtincha, shu jumladan davlat-xususiy sheriklik asosida foydalanish” degan so'zlar bilan almashtirilsin;

uchinchi qismi quyidagi tahrirda bayon etilsin:

“Suvdan vaqtincha foydalanish muddati uch yildan kam bo'lmasligi va qirq to'qqiz yildan oshmasligi kerak”;

15) 35-modda **birinchi qismi:**

beshinchi xatboshisining o'zbekcha **matnidagi** “oqindi” degan so'z “oqova” degan so'z bilan almashtirilsin;

o'ninchi xatboshisi quyidagi tahrirda bayon etilsin:

“suvni tejash va raqamli texnologiyalarni joriy etish choralari ko'rishi”;

16) 35-modda birinchi qismi **bashinchi xatboshisining** o'zbekcha matnidagi "oqindi" degan so'z "oqova" degan so'z bilan almashtirilsin;

17) 44-moddaning **ikkinchi qismi** quyidagi tahrirda bayon etilsin:

"Suv xo'jaligi, ekologiya va atrof-muhitni muhofaza qilish, geologiya va mineral resurslar organlari tegishliligiga ko'ra shifobaxsh suvlar qatoriga kiritilgan suv obyektlaridan, ayrim hollardagina sog'liqni saqlash organlari va kurort boshqarmalari bilan kelishilgan holda boshqa maqsadlar uchun foydalanishga ruxsat berishi mumkin";

18) 45-moddaning o'zbekcha **matnidagi** "oqindi" degan so'z "oqova" degan so'z bilan almashtirilsin;

19) 48-moddaning **to'rtinchi va bashinchi qismlari** quyidagi tahrirda bayon etilsin:

"Suv iste'molchilari uyushmalarining suvdan foydalanish rejaları tumanlar (Quvasoy shahar) irrigatsiya bo'limi, Qoraqalpog'iston Respublikasi Suv xo'jaligi vazirligi va irrigatsiya tizimlari havza boshqarmalari tomonidan umumlashtiriladi.

Quyidagilar:

tuman (Quvasoy shahar) irrigatsiya bo'limi tuman (Quvasoy shahar) qishloq xo'jaligi bo'limi bilan kelishilgan holda — suv iste'molchilari uyushmalari bo'yicha;

Qoraqalpog'iston Respublikasi Suv xo'jaligi vazirligi va irrigatsiya tizimlari havza boshqarmasi O'zbekiston Respublikasi Qishloq xo'jaligi vazirligining tegishli hududiy organlari bilan kelishilgan holda — tuman (Quvasoy shahar) irrigatsiya bo'limi bo'yicha;

O'zbekiston Respublikasi Suv xo'jaligi vazirligi — Qoraqalpog'iston Respublikasi Suv xo'jaligi vazirligi hamda irrigatsiya tizimlari havza boshqarmasi, yirik va alohida muhim suv xo'jaligi obyektlari bo'yicha tuzilgan hamda umumlashtirilgan suvdan foydalanish rejalarini tasdiqlaydi";

20) **49-modda:**

ikkinchi qismidagi "ular davlat mulki bo'lib, xususiyashtirilishi mumkin emas" degan so'zlar "ular davlat mulkidir" degan so'zlar bilan almashtirilsin;

quyidagi mazmundagi uchinchi va to'rtinchi qismlar bilan to'ldirilsin:

“Suv xo'jaligidan foydalanuvchi tashkilotlarning suv xo'jaligi obyektlari va inshootlari belgilangan tartibda, davlat-xususiy sheriklik prinsiplari asosida foydalanishga berilishi mumkin.

Suv omborlari, sel-suv omborlari, shuningdek yirik va alohida muhim suv xo'jaligi obyektlari xususiylashtirilmaydi”;

uchinchi, to'rtinchi va beshinchi qismlari tegishincha beshinchi, oltinchi va yettinchi qismlar deb hisoblansin;

21) **50-modda:**

quyidagi mazmundagi to'rtinchi xatboshi bilan to'ldirilsin:

“O'zbekiston Respublikasi Davlat budjetidan ajratiladigan subsidiyalar hisobiga ishlab chiqilgan va joriy etilgan suvni tejoychi texnologiyalarning kamida besh yil qo'llanilishini ta'minlashi”;

to'rtinchi — yettinchi xatboshilari tegishincha beshinchi — sakkizinchi xatboshilar deb hisoblansin;

beshinchi xatboshisi quyidagi tahrirda bayon etilsin:

“suvni tejash imkonini beradigan agrotexnika tadbirlarini, shu jumladan yerlarning sho'rini yuvishda lazerli uskuna yoki uzun bazali yer tekislagichlar yordamida har uch yilda kamida bir marta tekislashni amalga oshirishi”;

22) **51-modda:**

nomining o'zbekcha **matnidagi** “Oqindi” degan so'z “Oqova” degan so'z bilan almashtirilsin;

birinchi qismi quyidagi tahrirda bayon etilsin:

“Qishloq xo'jaligi ekinlarini oqova suvlar bilan sug'orish davlat sanitariya nazorati organlari bilan kelishilgan holda, ekologiya va atrof-muhitni muhofaza qilish organlarining ruxsati bilan, belgilangan tartibda amalga oshiriladi”;

23) **56-modda:**

nomidagi “sanoat maqsadlarida va issiqlik energetikasi ehtiyojlari uchun” degan so'zlar “sanoat maqsadlarida hamda issiqlik va atom energetikasi ehtiyojlari uchun” degan so'zlar bilan almashtirilsin;

birinchi qismi quyidagi tahrirda bayon etilsin:

“Suv obyektlaridan sanoat maqsadlarida hamda issiqlik va atom energetikasi ehtiyojlari uchun foydalanuvchi suv iste'molchilari, ushbu Qonunning 35-moddasida nazarda tutilgan majburiyatlardan tashqari, ishlab chiqarish texnologiyasini takomillashtirish, suv ta'minotining aylanma hamda takroriy tizimlarini joriy etish orqali suv sarfini kamaytirish va oqova suvlarning oqizib yuborilishini tugatish choralarini ko'rish, shuningdek suvlarning radioaktiv ifloslanishi belgilangan normalardan oshishiga yo'l qo'ymasligi shart”;

uchinchi qismining ruscha **matnidagi** “selskogo i” degan so'zlar chiqarib tashlansin;

24) 59-moddaning **birinchi qismidagi** “qishloq va” degan so'zlar chiqarib tashlansin;

25) 60-moddaning **ikkinchi qismidagi** “qishloq va” degan so'zlar chiqarib tashlansin;

26) 63-moddaning **matni** quyidagi tahrirda bayon etilsin:

“Suv obyektlari baliqchilik xo'jaligi ehtiyojlari uchun yuridik shaxslarga qonunchilikda nazarda tutilgan talablarga va shartlarga rioya etgan holda berilishi mumkin.

Suv obyektlaridan baliqchilik xo'jaligi ehtiyojlari uchun foydalanish tartibi O'zbekiston Respublikasi Vazirlar Mahkamasi tomonidan belgilanadi”;

27) 64-moddaning **birinchi qismi** quyidagi tahrirda bayon etilsin:

“Suv havzalarida sport va havaskorlik yo'li bilan baliq ovlashga ovchilar va baliqchilarning jamoat birlashmalariga birlashtirilgan joylarda ushbu jamiyatlarning ruxsatnomasi asosida bepul yoki haq evaziga ruxsat etiladi, bundan davlat qo'riqxonalarining, tabiat bog'larining va davlat biosfera rezervatlarining hududidagi suv havzalari mustasno. Suv obyektlari yoki ularning ayrim uchastkalari ovchilar va baliqchilarning jamoat birlashmalariga vakolatli organ tomonidan belgilangan tartibda birlashtirilishi mumkin”;

28) 68-modda ikkinchi qismining o'zbekcha **matnidagi** “oqindi” degan so'z “oqova” degan so'z bilan almashtirilsin;

29) 70-moddaning **ikkinchi qismi** quyidagi tahrirda bayon etilsin:

“Kema qatnovi uchun suv obyektlaridan foydalanish suv xo'jaligi, ekologiya va atrof-muhitni muhofaza qilish organlari hamda O'zbekiston Respublikasi Transport vazirligi bilan kelishilgan holda amalga oshiriladi”;

30) XIX bob nomining o'zbekcha **matnidagi** "Oqindi" degan so'z "Oqova" degan so'z bilan almashtirilsin;

31) **74-modda:**

nomining o'zbekcha **matnidagi** "oqindi" degan so'z "oqova" degan so'z bilan almashtirilsin;

birinchi va ikkinchi qismlarining o'zbekcha **matnidagi** "oqindi" degan so'z "oqova" degan so'z bilan almashtirilsin;

32) **75-modda:**

nomining o'zbekcha **matnidagi** "oqindi" degan so'z "oqova" degan so'z bilan almashtirilsin;

o'zbekcha **matnidagi** "oqindi" degan so'z "oqova" degan so'z bilan almashtirilsin;

33) 79-moddaning **matni** quyidagi tahrirda bayon etilsin:

"Suv omborlaridan foydalanish tartibi Ekologiya va atrof-muhitni muhofaza qilish davlat qo'mitasi, O'zbekiston Respublikasi Vazirlar Mahkamasi huzuridagi Suv xo'jaligi obyektlari xavfsizligini nazorat qilish davlat inspeksiyasi, O'zbekiston Respublikasi Vazirlar Mahkamasi huzuridagi Agrosanoat majmui ustidan nazorat qilish inspeksiyasi va boshqa manfaatdor organlar bilan kelishilgan holda, har bir suv ombori, suv omborlari tizmasi yoki tizimi uchun O'zbekiston Respublikasi Suv xo'jaligi vazirligi tomonidan tasdiqlanadigan qoidalarda belgilanadi";

34) 80-moddaning **matni** quyidagi tahrirda bayon etilsin:

"Suv omborlarining tegishli texnik holatini va obodonlashtirilishini ta'minlaydigan tadbirlarni uyushtirish va muvofiqlashtirish, shuningdek ulardan foydalanish ustidan nazorat qilish suv xo'jaligi organlari hamda suv xo'jaligi obyektlari xavfsizligini nazorat qilish organlari tomonidan amalga oshiriladi";

35) **82-moddaning:**

birinchi qismidagi "qishloq va" degan so'zlar chiqarib tashlansin;

uchinchi qismidagi "Qishloq va" degan so'zlar chiqarib tashlansin;

36) **85, 86, 87 va 90-moddalarning** matnlaridagi "qishloq va" degan so'zlar chiqarib tashlansin;

37) 98-moddaning ruscha **matnidagi** "selskogo i" degan so'zlar chiqarib tashlansin;

38) 99-modda:

birinchi qismi quyidagi mazmundagi oltinchi xatboshi bilan to'ldirilsin:

“suv obyektlarining suvni muhofaza qilish va sanitariya-muhofaza zonalarini buzish”;

ikkinchi qismining o'zbekcha **matnidagi** “Oqindi” degan so'z “Oqova” degan so'z bilan almashtirilsin;

39) 101-modda:

ikkinchi qismidagi “ekologiya va atrof-muhitni muhofaza qilish, qishloq va suv xo'jaligi organlariga” degan so'zlar “geologiya va mineral resurslar organlariga” degan so'zlar bilan almashtirilsin;

uchinchi qismining o'zbekcha **matnidagi** “oqindi” degan so'z “oqova” degan so'z bilan almashtirilsin;

quyidagi mazmundagi to'rtinchi qism bilan to'ldirilsin:

“Yer osti suvlariga quduqlarni burg'ilash O'zbekiston Respublikasi Vazirlar Mahkamasi tomonidan belgilangan tartibda O'zbekiston Respublikasi Davlat geologiya va mineral resurslar qo'mitasi tomonidan berilgan ruxsatnoma asosida amalga oshiriladi”;

to'rtinchi, beshinchi va oltinchi qismlari tegishincha beshinchi, oltinchi va yettinchi qismlar deb hisoblansin;

40) 102-moddaning **birinchi qismidagi**, 103-moddaning **birinchi xatboshisidagi**, 104-moddaning **uchinchi qismidagi** “qishloq va” degan so'zlar chiqarib tashlansin;

41) 105-moddaning **matni** quyidagi tahrirda bayon etilsin:

“Suv yetkazadigan zararli ta'sirdan muhofaza qilish, zararli ta'sirning oldini olish va uni bartaraf etish tadbirlari O'zbekiston Respublikasi Davlat budgetidan moliyalashtiriladigan tashkilotlarning balansidagi obyektlarda tegishli budget mablag'lari hisobidan, suv iste'molchilari balansidagi obyektlarda esa ularning o'z mablag'lari hisobidan amalga oshiriladi”;

42) 110-moddaning **ikkinchi qismidagi** “Qishloq va suv xo'jaligi vazirligi” degan so'zlar “Suv xo'jaligi vazirligi” degan so'zlar bilan almashtirilsin;

43) 111-moddaning **matni** quyidagi tahrirda bayon etilsin:

“Suvdan kompleks foydalanish va uni muhofaza qilishning bosh va havza (hududiy) jadvallari, shu jumladan ekotizim ehtiyojlari uchun oqizib yuboriladigan suvlar aholining va iqtisodiyot

tarmoqlarining suvga bo'lgan istiqboldagi ehtiyojlarini qondirish, shuningdek suvni muhofaza qilish va suv yetkazadigan zararli ta'sirlarning oldini olish uchun amalga oshirilishi lozim bo'lgan asosiy suv xo'jaligi tadbirlarini va boshqa tadbirlarni belgilab beradi";

44) 113-modda quyidagi tahrirda bayon etilsin:

“113-modda. Suvdan foydalanish va suvni iste'mol qilishda suvning hisobi va hisoboti hamda monitoringini yuritish tartibi

Suvdan maxsus foydalanuvchilar va maxsus suv iste'molchilari belgilangan tartibda suvdan foydalanishning hisobi va hisobotini yuritadi.

Suv resurslari monitoringi suv resurslarining, shu jumladan yer osti suvlarining o'zgarishini aniqlash, ularga baho berish, salbiy jarayonlarning oldini olish va ularni bartaraf etish hamda suv resurslari holatining prognozlarini ishlab chiqish maqsadida vakolatli organlar tomonidan amalga oshiriladi.

Suvdan maxsus foydalanish va maxsus suv iste'moli chog'idagi suv resurslarining hisobi, hisoboti hamda monitoringi tartibi O'zbekiston Respublikasi Vazirlar Mahkamasi tomonidan belgilanadi”.

2-modda. O'zbekiston Respublikasi Suv xo'jaligi vazirligi ushbu Qonunning ijrosini, ijrochilarga yetkazilishini hamda mohiyati va ahamiyati aholi o'rtasida tushuntirilishini ta'minlasin.

3-modda. O'zbekiston Respublikasi Vazirlar Mahkamasi:

hukumat qarorlarini ushbu Qonunga muvofiqlashtirsin;

davlat boshqaruvi organlari ushbu Qonunga zid bo'lgan o'z normativ-huquqiy hujjatlarini qayta ko'rib chiqishlari va bekor qilishlarini ta'minlasin.

4-modda. Ushbu Qonun rasmiy e'lon qilingan kundan e'tiboran uch oy o'tgach kuchga kiradi.

O'zbekiston Respublikasining Prezidenti Sh. MIRZIYOYEV

Toshkent sh.,
2021-yil 30-noyabr,
O'RQ-733-son

(Qonunchilik ma'lumotlari milliy bazasi, 01.12.2021-y., 03/21/733/1112-son)